

**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Tuig XLI No. 4  
Pebrero 21, 2010  
[www.philippinerevolution.net](http://www.philippinerevolution.net)

*Editorial*

## Mga rebolusyonaryong katungdanan sa panahon sang eleksyon


**A**ng mga eleksyon sa idalom sang garuk nga nagahari nga reaksyunaryong estado kag sistema wala pulos kag permi nga puno sang anomalya kag kalakasan. Ang mga ini konsentrado nga paindisanay sang kusog, kwarta kag mga maniobra sang magkaribal nga elitistang paksyon sa papet nga reaksyunaryong pagginahum. Kalakasan, pagpanuhol kag pagdinaya ang pinakayabi sa likod sang kadalag-an.

Indi ini matuod nga demokratikong proseso kag wala nagasalaming sa tunay nga interes sang pumu-

luyo. Daw daku ini nga karnabal nga panglingaw sa pumuluyo. Ginahingalitan sini ang ila kapigaduhon kag ginaganyat sila sang kwarta kag iban nga materyal nga bagay para makuha ang ila boto. Ang pagboto nila ginagamit nga dekorasyon para ipakita nga demokratiko ang proseso. Samtang ginapasalig pa ang pumuluyo sa mga reaksyunaryong eleksyon, daku nga mayorya sa gihapon ang ginapapartisipar diri.

Bisan pa man, sa limitadong lebel nga masarangan sa idalom sang reaksyunaryong estado kag sistema, mahimo kag malahalon gihapon nga mahingalitan ang mga reaksyunaryong eleksyon agud makakuha sang mga kongkretong benepisyo sa interes sang pumuluyo kag sang rebolusyonaryong hublag. Katungdanan sang mga rebolusyonaryong pwersa nga maid-id nga ubayan ang pumuluyo sa paghulag sa mga reaksyunaryong eleksyon.

Ginapraktika sang rebolusyonaryong hublag ang duha ka taktika sa mga panahon sang reaksyunaryong eleksyon. Basehan nga katungdanan sini nga ibuyagyag ang pagkapaltik sang reaksyunaryong eleksyon kag ang kagarukan sang ginapasudlan nga sistema. Ginahatagan tum-ok ang armadong paghimakas bilang pat-ud kag mayor nga pamaagi sang pag-agaw sang gahum pangpulitika agud magum ang pundamental kag lubos nga



***Mga tampok sa isyu nga ini...***

**Duha ka kaso sg pag-pang-agaw sg duta**  
PAHINA 5

**Malapad nga suporta sa Morong 43**  
PAHINA 7

**Sugilanon pangkalinungan sa rehimen, sarado na**  
PAHINA 11

pangkatilingban nga pagbag-o.


Kadungan sini, ginahingalitan man sang rebolusyonaryong hublag ang mga kahigayunan nga ginabukas sang eleksyon agud palaparon ang hilikuton alyansa sa lain-lain nga lebel. Nagapakig-isa ini sa mga kandidato kag partido nga handa magtib-ong sa demokratiko kag patriyotikong interes kag kaayuhan sang banwa. Sa pagpwesto sang mga alyado kag progresibo, napasulong ang mga paghimakas sang pumuluyo sa sulod sang parlamento. Magamit ini sa pagpabaskog sang mga organisasyon kag kahublagang masa kag nagaserbi ang rekursong sang reaksyunaryong estado para sa direktang benepisyo sang banwa. Sa pihak nga bahin, ginahingalitan sini ang kontradiksyon sa tunga sang mga reaksyunaryo agud labi nga ihamulag kag bunalan ang mga mayor kag masupog nga kaway sang pumuluyo kag rebolusyon.

Malawigan o temporaryo man ang natukod nga alyansa sa panahon sang eleksyon, malahalon nga sige-sige ang edukasyon pulitikal, pag-organisa kag pagpahulag sa mga pwersa nga nagapakig-isa bisan tapos na ang mga eleksyon. Sa

sini, mas mapauswag ang relasyon sa ila kag masaligan ang tayuyon nila nga pagbulig sa rebolusyonaryong hublag kag sa pumuluyo.

Sa panahon sang mga reaksyunaryong eleksyon, nagatampok kag ginaamligan sang rebolusyonaryong pwersa ang malapad nga rebolusyonaryong erya nga ginadugukan sang mga pulitiko. Obligado ang mga pulitiko nga magrespeto kag magsunod sa layi kag polisiya sang rebolusyonaryong gubyrno sang pumuluyo. Ang pagkampanya sa sulod sang mga rebolusyonaryong erya ginatugutan nga may hugot nga mga kundisyon kag pagkontrol labi na sa pagsulod kag hulag sang mga armadong pwersa. Wala ginatugutan ang mga pasista kag masupog nga reaksyunaryo nga maglapta sang ila propaganda, maniktik kag manggamo sa mga lugar nga ini.

Tampok sa subong nga eleksyon ang pag-entra sang mga progresibong kandidato kag partido. Ginatigayon nila ang malaparan nga kampanya sang pagpukaw, pag-organisa kag pagpahulag sa masa bilang pamaagi agud abuton ang minilyon nga pumuluyo. Paagi sini, labi nga magalapad ang ila implusyona kag organisasyon kag ma-



pataas ang ikasarang sang pumuluyo nga batuan ang nagahari nga reaksyunaryong rehimen kag bilog nga garuk nga sistema.

Ini ang rason kon ngaa amo sini ang interes sang pumuluyo nga maghulag kag suportahan sila sa pihak sang madamo nga sablag. Sa mga nagligad nga tuig, epektibo nila nga nagamit ang parlamento katuwang sang demokratikong kahublagang masa agud sakdagon ang pungsodnon-demokratikong handum kag interes sang pumuluyo sa pihak nga gamay nga minorya. Amo gani nga todo-todo ang mga masupog nga reaksyunaryo nga sablagan ang pagtinguha sang mga progresibong partido. Pangunahong target sang pasistang mga atake ang mga progresibong lider, aktibista kag tagasuporta nila. Target man sila sang sistematikong pagdinaya. Sa atubang sang pagkasa sang *automation* nga piniliay sa Mayo, mahimo nga mangin mas malain samtang mas sopistikado ang pagahimuon nga pagdinaya.

Sa sini, kinahanglan ang mas maalam, planado, koordinado kag sistematikong paghulag sang pumuluyo kag sang ila mga progresibong pwersa agud atubangon, ibuyagyag, tinguhaon nga mapunggan lunsay ang pagdinaya kag mga pasistang atake batuk sa ila ranggo.

Nagakatabo man ang subong nga eleksyon sa atubang sang pagpamilit sang nagaharing rehimen



Tuig XLI No. 4 Pebrero 21, 2010

Ang *Ang Bayan* ginabantala sa leng-gwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

[www.philippinerevolution.org](http://www.philippinerevolution.org)

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: [angbayan@yahoo.com](mailto:angbayan@yahoo.com)

## Kaundan

### Editorial

Mga rebolusyonaryong katungdanan sa panahon sg eleksyon	1
Batuk sa pagpalya sg eleksyon	3
Pinahabok nga badyet	4
Duha ka kaso sg pag-agaw sg duta	5
Importasyon sg kalamay	6

### Pagpanghalit sg pasistang estado

Malapad nga suporta sa Morong 43	7
----------------------------------	---

### Madinalag-on nga opensiba sg BHB

Bira sg BHB sa Kalinga	10
Mga opensiba sa ibang rehiyon	10

Sugilanon pangkalinungan sa rehimenng Arroyo, sarado na	11
Mga kabutigan sg Nolcom,	11

<b>Balita</b>	12
---------------	----

Ang *Ang Bayan* ginabantala duha ka beses kada bulan sg Komite Sentral sg Partido Komunista sg Pilipinas

US-Arroyo nga makakapyot sa poder kag makalikaw nga atubangon ang tuman kadamo sini nga mabug-at nga krimen sa banwa. Labi ini nga nagatingkad subong nga mas nagalala ang kapigaduhon, pagpamigos kag diskuntento sang pumuluyo nga ginabunalan sang tuman ka grabe nga krisis pang-ekonomya kag mga pasistang atake. Ginapabaskog sini ang reklamo sang pumuluyo nga mabuhinan ang ila pag-antus kag kapigusan kag may signipikanteng pagbag-o sa pungsod. Ginabukas sini ang kahigayunan nga makipag-alyansa sa mga partido kag kandidato nga kaway sang hubon Arroyo kag papet nga pagginahum, amo man, sa mga handa makigbuligay sa pagtib-ong sa mga basehang interes kag pagpamag-an sa mabug-at nga mga palas-anon subong sang pumuluyo.

Dapat man ibuyagyag kag bunalan ang mga partido kag kandidato, pati ang oposisyon, nga madamo sang mabug-at nga kasalanan sa pumuluyo. Dapat ibuyagyag ang mga hayag nga nagaduso

sang mga polisiya nga nagalapak sa kinamatarung kag interes sang pumuluyo. Dapat ibuyagyag ang pagkapaltik sang programa sang mga partido nga mga nagapangbola lang. Dapat pakamalauton ang mga partido nga ini nga nagapaantus lang sa pumuluyo kag magaatke sa rebolusyonaryong hublag, sa tion nga makapwesto sa poder.

Samtang nagakatabo ang reaksyunaryong eleksyon, dapat padayon nga pasingkion ang taktikal nga opensiba kag hatagan sang partikular nga atensyon ang pagbunul sa mga pinuno sang pasismo kag terorismo. Sa panahon sang eleksyon, importanteng hatagan dugang nga tum-ok ang paglunsar sang taktikal nga opensiba batuk sa pinakamasupog nga reaksyunaryong mga pulitiko kag mga armadong gaway nila, kag batuk sa pinakadaku kag ginakanil-aran nga manugdambong, kurakot kag may mga utang nga dugo sa rebolusyon kag pumuluyo.

Kadungan sini, dapat mahandaan man ang daku nga posibilidad sang malaparan nga pagdina-

ya, panabotahe kag pagpaslaw sa eleksyon, tubtub sa pagpanaog sang "emergency rule," "pagpamuno nga transisyon" o hayagan nga layi militar kag iban pa nga mahigko kag makahas nga padihot nga ginaluto sang nagaharing rehimen. Dapat madasig kag epektibong mapamunuan sang Partido kag mga rebolusyonaryong pwersa ang nagahana nga paglupok sang mas malapad nga direktang pagbato sang pumuluyo nga mahimo magkadto sa mga pag-alsa kag paginsister sang gahum sang pumuluyo.

Madayon man o indi ang eleksyon, anupaman ang igaresulta nga sitwasyon pagkatapos sang Mayo 2010, pat-ud nga magapadayon ang pag-indakal sang diskuntento sang masa kag inaway sang mga reaksyunaryo. Dapat permi mangin alerto sa kada liko sang sitwasyon, pasanyugon ang pleksibilidad kag inisyatiba para mahingalitan ang mga oportunidad para mangibabaw kag labing mapabaskog ang pumuluyo kag mga rebolusyonaryong pwersa. AB


## Kontra-Daya, nagpaandam sa pagpalyar sang eleksyon

Ginakinahanglan ang paghulag sang pumuluyo panganglitan pumalyar ang eleksyon sa Mayo o indi gani pagpanaog sang layi militar bunga sini. Ini ang ginhisugtan sang mga nagtukod sang Kontra-Daya 2010, isa ka malapad nga koalisyon sang mga tawong simbahan, manunudlo, mga eksperto sa *information*

*technology* (IT), mga estudyante, mga aktibista kag iban pa nga may tuyo nga may mapatihan kag wala sang pagdinaya nga piniliay sa maabot nga Mayo. Gin-anunsyo ang pagtukod sang Kontra-Daya sa Intramuros, Maynila sang Pebrero 17.

Lakip sa mga nagtukod sang Kontra-Daya 2010 sanday Fr. Jose Dizon sang Solidarity Philippines, Sr. Mary John Mananzan sang Association of Major Religious Superiors of the Philippines (AMRSP), Bishop Elmer Bolocon, Archbishop Oscar Cruz, manunulat kag artista nga si Bibeth Orteza, Grace Poe-Llamanzares, syentista nga si Prof. Giovanni Tapang, Atty. Harry Roque, Henri Khan, Bettina Legarda, Fernando Gaitan sang COURAGE kag Renato Reyes sang Bagong Alyansang Makabayan (BAYAN).

Siling sang koalisyon, nagaathag ang mga patimaan sang pagpalyar sang eleksyon bangud sa nagapadayon nga mga problema sa pinakauna nga paggamit sang kompyuter sa pagboto kag pag-isip sini. Nadugangan pa ang problema nga ini sang akuon sang Na-



tional Power Corporation ang daku nga problema sa kakulangan sang suplay sang kuryente dala sang malawig nga tig-ilinit sa pungsod.

Permi nga ginaduso ng mga alipures ni Gloria Arroyo pareho ni Defense Sec. Norberto Gonzales nga si Arroyo ang magaserbi nga “pangulong pangtransisyon” kon matabo ang amo nga senaryo. Ginasulong man ni Senate Pres. Juan Ponce Enrile ang iya ideya nga kon matabo gid man, ginasaad kuno sa bag-o nga konstitusyon nga ang Armed Forces of the Philippines kag Philippine National Police ang may papel bilang *officer-in-charge* (OIC) kag siya ang magapili kon sin-o ang mangin temporaryo nga pangulo sang pungsod.

Siling ni Reyes, pananglitan magmatuod ang malain nga senaryo nga ini, nakahanda ang BAYAN nga pahulagon ang daku nga numero sang pumuluyo para paslawon ang padihot nga ini.

Naghimo ang Kontra-Daya 2010 sang *website* ([www.kontrada-ya.org](http://www.kontrada-ya.org)) para masubaybayan sang pumuluyo ang mga halambalanon sa eleksyon. Ginaganyat man sini ang publiko nga magpadala sang mga report paagi sa *kontrada-ya@gmail.com*. AB

## Pinahabok nga badyet, kinundena

**M**abaskog nga ginkundenar sang lain-lain nga sektor ang pagtago nga pagsal-ot ni Gloria Arroyo kag sang iya mga sulugon sa Kongreso sang P119 bilyon nga “di programado” nga pondo para sa presidente kag P64.6 bilyon nga dugang nga *pork barrel* sa nasyunal nga badyet para sa 2010.

Ginpirmahan ni Arroyo sang Pebrero 10 ang badyet para sa 2010 nga naglab-ot sa P1.54 trilyon, mas mataas sang 8% (P115 bilyon) kumparar sa badyet para sa 2009. Indi upod sa badyet nga ini ang mga ginsal-ot nga pondo gani sa pagkamatuod, nagalab-ot sa P1.723 trilyon ang gin-aprubahan nga badyet ni Arroyo.

Ginhimo ang mga pagsal-ot sa pulong sang Bicameral Conference Committee nga amo ang nagapinal sa mga layi antes ini isumiter para pirmahan ni Arroyo. Tuyo tani sang mga kongresista nga kuhaon halin sa gintigana nga pangbayad sa utang ang P64.6 bilyon nga dugang nga *pork barrel*. Nagbalibad si Arroyo nga buhinan ang nakatigana nga pangbayad sa utang pero wala niya ginkuha ang mga proyekto nga nagpahabok sa *pork barrel* kag ang kaugalingon niya nga pondo. Siling niya, ang mga representante na ang bahala magpatuhaw sang rebenyu para may pondo para diri. Mahimo nila ini paagi sa dugang nga pagpangutang kag pagpanaog sang dugang nga mga buhis. Ini sa tunga sang tuman kabug-at nga mga buhis nga ginapas-an sang pumuluyo kag grabe nga krisis sa ekonomya.

Samtang, napasulod sa gin-aprubahan nga badyet para sa 2010 ang probisyon nga *anti-impoundment*, nga nagakuha sang gahum sa masunod nga presidente nga kontrolon ang pondo nga *pork barrel* sang mga kongresista. Ang gahum nga ini ang ginagamit ni Arroyo agud paboran ang mga alyado niya para sila makapatuyang sa *pork barrel*. Sa pihak nga bahin, ginaipit naman niya ang *pork barrel* sang mga oposisyon. Halin pa sang 2005 wala na sang ginabahin bisan isa ka sentimo sa mga progresibong kongresista kag iban pa nga pinakaaktibo nga nagabato kay Arroyo. AB

## Pagsara sang pabrika sa Cebu, ginpamatukan sang mga mamumugon

GINPAMATUKAN sang masobra 100 mamumugon ang plano nga pagsara sang Alta Mode Incorporated, isa ka manughimo sang bayu sa Mactan Export Processing Zone (MEPZ) II sa Lapu-Lapu City, Cebu. Nakatalana sila nga maglunsar sang aksyon protesta sa Pebrero 23 para pungan ang pagsara sang pabrika.

Ang Alta Mode Incorporated subkontraktor kag tagaeksport sang malahalang bayu nga may marka pareho sang Abercrombie and Fitch.

Sang Pebrero 11 nagpasaka na

sang *notice of strike* ang mga mamumugon sa National Conciliation Mediation Board sa Cebu City makaligad nga ihayag sang kumpanya nga magasara ini. Ginsundan ini sang isa ka rali sang Pebrero 15 sang mga katapu sang Alta Mode Workers’ Union bangud ginabawalan na sila magsulod sa MEPZ II trenta dias antes ang pagsara sang pabrika. Nakatalana ini nga magasara sa Marso 15.

Ginarason sang kumpanya sa mga mamumugon nga nagakaputo ini gani pagauntaton na ang ope-

rasyon sini. Pero suno kay Renante Paliño, presidente sang unyon, ang matuod nga rason amo nga indi sini pag-atubangon ang mga mamumugon nga nagademanda sang ila mga kinamatarung kag kaayuhan.

Halin sang mag-opereyt ang kumpanya sa MEPZ II sang 1999 amat-amat nga ginakuha ang mga benepisyo sang mga mamumugon pareho sang 13th *month pay*. Bangud sini nagtukod sang unyon ang mga mamumugon, nga gintuyo nga bungkagon sang maneydsment sang kumpanya. AB

# Duha ka kaso sang pagpang-agaw sang duta, ginbuyagyag

**P**amatuod liwat sang pagkainutil sang Comprehensive Agrarian Reform Program (CARP) ang duha ka kaso sang pagpang-agaw sang duta sa Bulacan kag Leyte. Pareho nga napaidalom sa CARP ang nasambit nga duta pero ginabalewala ini sang mga manuglaksam nga ara sa poder.

**Ginaangkon para kuno sa proyekto pangkapalibutan.** Masobra 30 tuig nga ginadebelopar sang 230 pamilya nga mangunguma ang 375 ektaryas nga humayan kag maisan sa Sityo Malapad, Baryo Sibul, San Miguel, Bulacan. Uyat sang mga mangunguma ang mga Certificate of Land Ownership Award (CLOA) bilang mga benepisyaryo sang CARP. Pero nagapangulba sila subong nga mabalewala ini bangud ginaangkon ang malapad nga kadutaan nga ini sang pamilya ni Rep. Luis Villafuerte (Camarines Sur, 2nd District).

Suno sa Lingap Magsasaka, isa ka organisasyon nga myembro sang Kilusang Magbubukid ng Pilipinas (KMP), halin Abril 2009 tatlo ka beses nga nagkadto sa lugar sanday Villafuerte kag mga tinawo niya.

Nagpatawag sang pulong sang mga mangunguma si Villafuerte sa una niya nga pagbisita sa Sityo Malapad. Nagpalibot ang representante sang mga papel para pirmahan kag ginsiling nga ini *attendance sheet* lang. Ulihi na nga nahibal-an nila nga ini gali kasugtanan sang "donasyon." Buot silingon, nahatag nila nga wala sang bayad ang pila ka gatos ka ektaryang duta nga ginatalauma nila sa isa ka proyekto para sa kapalibutan sang Good Earth. Ang Good Earth isa ka *foundation* nga ginapamunuan sang anak ni Villafuerte nga si Mylene Villafuerte-Matti kag

banasini nga si James Matti. Nagpangibabaw ang kahadlok sa mga mangunguma bangud ginpalibutan sila sadto sang mga tinawo militar nga upod ni Villafuerte.

Sang magbalik sa lugar si Villafuerte ginbuyok niya ang mga mangunguma nga mangin mamumugon sa uma na lang sang Good Earth. Magatanom na lang kuno sila sang mga kawayan kag iban pang *cash crop* sa baylo nga humay kag mais.

Sa ikatlo nga kahigayunan, ang nagkadto amo ang anak kag umagad ni Villafuerte upod ang mga Scout Rangers sang Philippine Army. Ginsarbey ang lugar, ginbutangan sang mga muhon, ginpukan ang mga dalagku nga kahoy kag ginbayluhan sang mga bag-o nga kahoy kag kawayan.

Sa daku nga kaakig sang mga residente, wala sila magkadto sa pulong nga ginpatawag sang mga Villafuerte.

**Anay huwes, nang-agaw sang duta sa Leyte.** Gin-agaw naman ni

anay Court of Appeals Justice Vicente "Cheng" Veloso ang 429 ektaryang duta nga agrikultural nga ginatalauma sang 144 mangunguma nga mga benepisyaryo sang CARP. Ang kadutaan nga ini estratehiko nga nakalatag sa dulunan sang mga banwa sang Alang-alang, sang San Miguel kag sang Tacloban City sa Leyte.

Ginauma na sang mga mangunguma ang nasambit nga kadutaan halin pa sang dekada 1930, suno sa panalawsaw sang Samahan han Gudti nga Parag-uma sa Sini-rangan Bisayas (SAGUPA-SB), rehiyunal nga organisasyon sang mga mangunguma sa Eastern Visayas. Sadtong 1974, sa PD 625 ginpaidalom ang duta sa pagdumala sang Leyte Sab-a Basin Development Authority (LSDA). Ginsakop sang LSDA ang 3,000 ektaryas sa mga banwa sang Jaro, Alang-alang, Sta. Fe, Palo, Barugo, Babatngon kag San Miguel kag ang syudad sang Tacloban. Nagalab-ot naman sa 8,000 ektaryas nga dutang agrikultural sa mga banwa nga nasambit ang ginsakop sang CARP.

Sang 1991, ginhatagan sang CLOA ang mga mangunguma sang Alang-alang pero sang 1991 ginkansela ini sang Department of Agrarian Reform (DAR). Nagsulod sa eksena si anay Justice

Veloso sang 1997 sang angkunon niya ang mga titulo sang duta para sa iya mga kapamilya kag himata kag ginpalayas ang mga mangunguma gamit ang mga armadong

*goons* nga nagpakilala nga



mga pulis. Gintayaan sang pusil sang mga *goons* ang mga mangunguma kag ginhambalan sila nga indi na magtanum sang niyog. Plano ni Veloso nga tamnan ang lugar sang mga puno sang kahoy nga igabaligya sa National Power Corporation.

Ginpasaka ang kaso sa Department of Agrarian Reform Adjudication Board (DARAB). Pero sang

2002, nagdesisyon ang DARAB pabor kay Veloso. Indi lang mga mangunguma sang Alang-alang ang ginapalayas kundi pati man mga mangunguma sa katambing mga banwa.

Naglunsar sang Oktubre 2009 sang pagpanayasad ang SAGUPA-SB upod ang KMP, Anakpawis kag Bayan Muna. Nakipagdayalogo san-day Rep. Rafael Mariano sang

Anakpawis, Rep. Teddy Casiño sang Bayan Muna kag iban pa nga delegado sa DAR Region 8 kag iban pang ahensya. Wala sang ebidensya nga nagapamatuod nga ginapanagiyahan ni Veloso ang duta.

Nangako ang DAR nga magahimo man sila sang pagpanayasad pero tubtub subong wala pa gihapon sang natabo. AB

## Importasyon sang kalamay, ginapamatukan

**G**inapamatukan sang lain-lain nga sektor sa industriya sang kalamay ang ginaanunsyo nga pag-import sang gubyerno sang kalamay sa atubang sang kakulangan kuno sang suplay sang kalamay sa pungsod. Plano sang gubyerno nga magbakal sang 150,000 toneladas nga kalamay para mapanubo kuno ang nagatinaas nga presyo sang kalamay sa lokal nga merkado.

Lakip sa mabaskog nga nagapamatuk sa importasyon sang kalamay ang mga organisasyon sang mga mamumugon sa uma kag obreros sa sentral, mga drayber, kargador kag iban pa nga ginaempleyo sang industriya sang kalamay. Nagpahayag man sang pagpamatuk ang gubyerno prubinsyal sang Negros Occidental, ang prubinsya nga pinakadaku nga prodyuser sang kalamay sa bilog nga pungsod.

Nagaisa ang nasambit nga mga sektor nga makapalain sa industriya sang kalamay kag sa ekonomya sang pungsod ang pagbakal sang kalamay. Indi makumbinse ang mga tag-iya sang tubuhan nga mamuhunan diri. Mangin palasalig ang pungsod sa ginabakal nga kalamay pareho sa natabo sa bugas. Mahalitan sini ang pangabuhian sang 6 milyon nga mangunguma sa 17 prubinsya nga nagatanom sang tubo.

Suno sa pagpanalawsaw sang IBON Foundation, ang gulpe nga pagtaas sang presyo sang kalamay sa lokal nga balaligyaan ginbunga sang pagbuhin sa suplay para sa lokal nga konsumo bunga sang bultuhan nga pag-eksport sang 137,000 metriko toneladas nga kalamay sa US sang Enero. Ang ginluwas nga kalamay 86% sang 158,906 metriko toneladas nga kota sang Pilipinas sa US para sa 2010. Sa baylo nga amat-amat ini nga i-eksport kada bulan tubtub mapunuan ang kota, bultuhan ini nga ginluwas para mahingalitan sang mga negosyante ang mataas nga presyo sang kalamay subong sa pangkalibutanon nga merkado.

Bangud diri nakaltasan sang daku ang suplay nga nakatalana para sa lokal nga konsumo kag nagtimbu-



ok ang presyo sang kalamay sa mga lokal nga balaligyaan. Pangunahon nga nakabenepisyo diri ang mga negosyante nga ginapaboran sang rehimeng Arroyo sa Negros, Pampanga kag Tarlac.

Para man mabuhinan ang ginabunga sini nga kakulangan sa suplay, magabakal ang gubyernong Arroyo sang 150,000 metriko toneladas nga kalamay nga wala sang taripa. Suno kay Jose Maria Montinola, pangulo sang Victorias Milling Corp. Farmers' Multipurpose Cooperative, P2.103 bilyon ang madula nga pondo sa gubyerno sa ginaplano nga importasyon. Ang pondo pagakaltason sa "tax expenditure subsidy" (TES) nga dapat tani nakatigana para sa mga serbisyo sosyal para sa mga mangunguma sa tubuhan.

Nagatinangkas subong ang kita sang mga negosyante nga kahimbon sang hubon Arroyo nga nagkita na sa bultuhan nga pag-eksport sang kalamay kag subong magakita liwat sang tinangkas sa pag-import na naman sang kalamay. AB



# Malapad nga suporta sa Morong 43

**P**adayon nga nagalapad ang suporta sa 43 trabahador para sa ikaayong lawas nga iligal nga gin-aresto kag gintortur sang Pebrero 6. Ang iligal nga pag-aresto sang 2nd Infantry Division sang Philippine Army natabo sa balay-bakasyunan nga ginapanag-iyahan ni Dr. Melecia Velmonte sa Morong, Rizal samtang ang 43 nagahimo sang paghanas-medikal para sa ila nga mga hilikuton sa ikaayong lawas sa mga komunidad. Si Dr. Velmonte *consultant* sang Philippine General Hospital kag *professor emeritus* sa University of the Philippines College of Medicine.

Kalakip sa mga iligal nga gin-aresto ang mga doktor, nars, komadrona kag mga *community health volunteer* nga nagahanas sa gintingub nga pagdumala sang Council for Health and Development (CHD) kag Community Medicine Development Foundation (COMMED). Ang CHD kag COMMED pareho nga mga *non-government organization* nga nagahatag sang serbisyo sa ikaayong lawas kag paghanas-medikal sa mga imol nga komunidad.

Isa ka batalyon sang mga suldado halin sa 202nd Brigade upod ang lokal nga pulisya ang naghimo sang reyd. Gingamit sa pag-aresto sa mga trabahador sa ikaayong lawas ang apat ka siksabay, duha ka *armored personnel carrier* kag ibang salakyan nga wala sang plaka o identipikasyon.

Depektibo ang mandamyento de aresto nga gingamit sa operasyon. Nakasaad diri ang ngalan sang isa ka "Mario Condes" nga wala makilala sa balay-bakasyunan kag sa komunidad nga ginasambit sini. Nagtanom man sang mga pusil, granada, bomba kag mga sangkap sa paghimo sang bomba ang militar kag pulisya sa balay-bakasyunan para pagwaton nga mga katapo sang Bag-ong Hangaway sang Banwa

(BHB) ang 43. Ginapamilit sang militar nga mga dokumento sa paghimo sang bomba ang nasapwan nila sa lugar imbes mga materyales sa paghanas-medikal.

Ginakulong ang 43 sa Camp Capinpin, hedkwarters sang 202nd Bde. Duha ka adlaw nga wala gintugutan magpakig-angut sa ila nga mga pamilya kag abugado ang 43 trabahador sa ikaayong lawas.

Mas malala pa, nag-agi sang tortur kag seksual harasment ang mga biktima sa kamot sang militar. Sa sulod sang 36 oras, nakaposas, natabunan ang mga mata kag gintortur ang 43. Wala sila ginhatagan sang nagakaigo nga pagkaon kag kahilwayan sa paggamit sang


banyo. Kon maggamit sang banyo, may suldado nga maghubad sang ila *underwear*. May tion nga ginuyatan sang mga suldado ang sensitibong bahin sang ila lawas sang pila sa mga babaye nga bihag nila.

Gindumilian man ang mga biktima nga magtulog kag mag-estor-ya. Ginbutang sila sa madulom nga selda kag pilit nga ginapapamati sa tuman katunog nga mga lupok sang pusil. Ginasampal man sila. Pwersahan sila nga ginapaako nga mga katapo sang BHB. Ang pila sa mga biktima nagkalapilasan na ang kamot bangud sa malawig na nga hugot ang pagkaposas. Ang isa ka babaye nga biktima ang ginbulad sa init sang adlaw sang mahibal-an nga siya ginaregla.

Isa sa mga biktima, si Dr. Alex Montes, 62, gin-akusahan sang militar nga upod kuno sa espesyal nga yunit sang BHB nga ginpadala para patyon si Ret. Gen. Jovito Palparan. Ginkuryente kag pasulit-sulit nga ginhampak sang kahoy sa dughan si Dr. Montes. Ginpatindog man siya sa kilid sang pil-as kag ginsapote para paakuon nga katapo sang BHB.

Sang mag-isyu sang *writ of habeas corpus* ang Korte Suprema sang Pebrero 10, wala sang huya ini nga ginbalewala sang pamunuan sang militar. Wala


nagsunod ang militar sa mandu nga ipresentar sa korte ang 43. Kaladlawan nga ginarason sang militar nga mabudlay kag delikado ang pagbyahe sang mga detenido halin sa Camp Capinpin sa Tanay, Rizal pakadto sa Maynila bangud tuman





sila kadamo kag may peligro nga agawon sang BHB sa dalan.

Padayon ang pagdamo sang mga nagakundenar sa pag-aresto sang 43 trabahador sa ikaayong lawas kag nagapanawagan para hilwayon sila. Kalakip diri ang United Methodist Church California-Pacific Conference, World Council of Churches, Caritas Aotearoa, Philippine Nurses Association, UP College of Medicine, Alliance of All Health Organizations of the Nation, Alliance of Concerned Teachers, UP-Manila Student Council, mga estudyante sa medisina sang Trinity University of Asia, Philippine Solidarity Network of Aotearoa, BAYAN-USA, Migrante-Middle East kag madamo nga iban pa. Sa pagkabalaka man sang International Committee of the Red Cross sa natabo sa



43, ginbisita nila ang mga detenido, ginhibalo ang ila kahimtangan kag gin-usisa ang pagtortur sa ila.

Samtang, nagpahayag sang pagkabalaka ang Laguna Medical Society bangud halin sang madakop ang 43 ka trabahador sa ikaayong lawas sa Morong na-

gaduha-duha na ang mga nars kag *health volunteer* nga mag-upod sa mga misyon medikal sa mga maligwin nga lugar sa kahadlok nga maakusahan sila nga myembro o simpatisador sang BHB.

Ginsiling man sang CHD nga nadiskaril ang programa pangmedikal sini para sa mga imol nga komunidad bangud

sa pagkakulong sang mga empleyado sini. Nakatalana tani nga maglunsar ang CHD sang misyon medikal sa Palawan nga ma-benepisyuhan tani ang 3,000 myembro sang Tribo nga Tagbanua. AB

### Paghilway sa aktibista nga mangunguma, ginaduso

GINADUSO sang mga katapo sang lain-lain nga grupo nga sektoral sa rehimeng Arroyo ang gilayon nga paghilway kay Cirila Estrada, 49, isa ka aktibista nga mangunguma nga iligal nga gin-aresto sang gintingob nga mga pwersa sang militar kag pulis sa Iloilo City sang Pebrero 12. Si Estrada nagkadto sa iya doktor sa syudad sang gulpe na lang siya gindakop sang mga ahente militar, gintakpan ang mga mata kag pilit nga ginsakay sa isa ka *van*. Si Estrada myembro sang Paghugpong sang mga Mangunguma sa Panay kag Guimaras (PAMANGGAS), isa ka organisasyon sang mga mangunguma sa Panay.

Para iduso ang paghilway kay Estrada, naglunsar sang mobilisasyon sa Iloilo City ang mga katapo sang KARAPATAN, Makabayan, Gabriela, BAYAN-Panay kag PAMANGGAS sang Pebrero 16. Pagkaaga, nagkadto sila sa Iloilo Rehabilitation Center (IRC) kon sa diin ginkulong si Estrada para estoryahon ang *provincial warden* bahin sa iya seguridad kag kaluwasan.

Si Estrada aktibo sadto sa panahon sang diktaduryang Marcos sa pagpakigbato para sa interes

sang mga mangunguma antes siya mangin boluntir sang PAMANGGAS. Ara siya sa Iloilo City para magbakal sang bulong kag magpatan-aw sa doktor bangud sa sakit sa atay. May ara man siya nga hapo.

Siling sang mga aktibista, ang iligal nga pag-aresto kay Estrada nagapakita sang padron sang pagpang-ipit sa mga katapo sang mga progresibo nga organisasyon samtang nagahilapit na ang eleksyon, pareho sang natabo sa 43 trabahador sa ikaayong lawas nga iligal nga gin-aresto sa Morong, Rizal sining Pebrero kag ginpasakaan sang mga himu-himo nga kaso. Gintumod man nila sa panahon man sang eleksyon sang 2007 sang gindukot sang mga operatiba militar sanday Luisa Posa-Dominado sang SELDA-Panay kag Nilo Arado, tagapangulo sang BAYAN-Panay kag isa sa mga nominado sang partido nga Anakpawis.

Nagakabalaka ang mga aktibista nga ang pag-aresto kay Estrada umpisa na sang mas madamo pa nga pagpang-atake sa mga progresibo nga organisasyon kag sa mga nagasuporta sa mga militanteng grupo. AB





## Paglapas sa kinamatarung ni Ka Jinggoy, ginkundenar sang NDFP

**M**abaskog nga ginkundenar sang *negotiating panel* sang National Democratic Front of the Philippines (NDFP) ang paglapas sang AFP sa mga kinamatarung ni Kaupod Elizalde “Ka Jinggoy” Cañete bilang isa ka pilason nga bihag nga wala sang ikasarang nga magbato sa idalom sang Internasyunal nga Makatawong Layi.

Si Ka Jinggoy nadakop pagkatapos mag-engkwentro ang BHB kag mga elemento sang 3rd Special Forces Battalion sang Philippine Army sa Barangay Sarmiento, Laak, Compostela Valley. Si Ka Jinggoy may mga igo sang bala sang mada-kop sang Enero 30.

Una nga gindala sa Camp Panacan Naval Hospital si Ka Jinggoy antes siya gindala sa Davao Medical Center para maoperahan sang Enero 31. Tatlo pa lang ka adlaw pagkata-

pos maoperahan, pwersado nga gin-saylo si Ka Jinggoy pabalik sa Camp Panacan Naval Hospital halin sa DMC. Wala ini sang mandu sa korte kag lapas sa abiso sang iya doktor. Ginbalewala sang militar ang protes-ta sang iya iloy kag utod nga baba-ye.

Nagakabalaka ang pamilya ni Ka Jinggoy sa iya kundisyon sa ospital sang militar. Nagakurog pa sang isaylo siya bangud sa grabe nga hilanat. Nagabanog man ang iya tiyan kag malapsi kag nagapa-langdulaw ang iya lawas. Nabudla-yan siya nga magginhawa kag ma-sami nagasuhestyon sang *oxygen*.

Hayagan nga paglapas sa iya nga mga kinamatarung sa idalom sang Internasyunal nga Makatawong Layi ang pwersahan nga pag-saylo kay Ka Jinggoy nga lapas sa abiso sang doktor nga nag-opera sa

iya kag ang hayagan nga pagbale-wala sang militar sa iya pisikal nga kahimtangan. Ginasaad sa Interna-syunal nga Makatawong Layi nga ang mga pilason nga *hors de combat* dapat hatagan sang espesyal nga proteksyon, hatagan sang kinahang-lanon nga pag-atipan medikal kag indi dapat maltratuhon sa anuman nga paagi. Ginalapakan man sang militar ang Comprehensive Agree-ment on Respect for Human Rights and International Humanitarian Law sa tunga sang GRP kag NDFP.

Sang Nobyembre 28, 2009 gin-patay ang amay ni Ka Jinggoy sang mga ginasuspetsahan nga ahente sang 7th Special Forces sang 25th IB. Ulihi nga nakita ang amay ni Ka Jinggoy nga kasugilanon ang mga ini antes siya masapwan nga patay kag tadtad sang igo sang bala pag-kaaga. AB

## Pagharas sa mga aktibista sa Aklan, ginkundenar

GINKUNDENAR sang mga katapo sang mga progresibong organisasyon sa Aklan ang pagkiha sang kaso nga kriminal ba-tuk sa pila ka mga katapo sini. Sa isa ka rali sang Pebrero 16 nga ginhiwat sa atubang sang Municipal Trial Court sa Kalibo, ginpakamalaut nila ang pag-isyu sang mandamyento de ares-to batuk kay George Calaor, tagapamaba sang Bag-ong Alyan-sang Makabayan-Aklan kag iban pang mga aktibista bilang ka-bahin sa pagharas sang rehimeng Arroyo sa mga kritiko sini.

Ang iban pa nga gin-isyuhan sang mandamyento de ares-to sanday Nenita Tugna, tagapamaba sang Kalipunan ng Da-mayang Mahihirap-Aklan, kag mag-asawa nga Remy kag Nor-ma Zaldivia, mga residente sang isa ka imol nga komunidad sa Kalibo. Wala ginkulong sanday Calaor kag Tugna bangud na-kapyansa sila apang nakakulong ang mag-asawa nga Zaldivia.

Sanday Calaor kag Tugna nagaserbi nga negosyador sa tu-nga sang mga residente kag mga pulis sa Kalibo nga nagpatu-man sang *demolition order* sa komunidad sa Laserna St. sa Ka-libo. Ginademanda nanday Calaor nga ipatuman anay ang RA 9279 nga nagasaad nga dapat may *relocation site* anay nga nakahanda para sa mga residente antes ipatuman ang anuman nga demolisyon. Sang gindayon gihapon ang demolisyon pa-agi sa pagguba sa balay sang mga Zaldivia nagbato ang mga residente. AB

## Pagdukot kag pagpamatay sa Albay

MABASKOG nga ginkundenar sang NDF-Bicol ang sunod-sunod nga pagdukot kag pagpamatay sang 2nd IBPA kag 901st Brigade sa mga inosenteng sibilyan sa pru-binsya sang Albay.

Hapon sang Pebrero 7 sang masapwan ang nagakadunot na nga mga bangkay sang mga mangunguma nga sanday Ananias Car-diente Jr. kag Vicente Moradillo. Gindukot sila sang Enero 15 sang tropa sang Special Operations Team sang 901st Brigade sa Baryo Taplacon, Camalig. May mga agi sang tortyur ang bangkay sang duha ka biktima.

Gintiro kag ginpatay sang mga suldado ang sibilyan nga si Vergel Mapola Catubig sa pista sa Baryo Lawinon, Pio Duran sang Ene-ro 30. Isa pa ka sibilyan sa Camalig ang gin-dukot, gingulot ang liog kag ginpatay. Naki-ta ang bangkay niya sa banwa sang Jovellar.

Kabahin ang mga insidente nga ini sang taktika nga teror kag mahigko nga saywar nga sistematikong ginagamit sang 901st Bde para magsabwag sang kahadlok sa pumuluyo. AB



## Opensiba sang BHB sa Kalinga

**T**atlo ka suldado ang napatay sang liwat makaengkentro ang mga tropa sang 21st IB kag isa ka yunit sang Lejo Cawilan Command sang Bag-ong Hangaway sang Banwa (BHB) sa Mabaca, Balbalan, Kalinga sang alas-4:20 sang hapon sang Pebrero 10. Wala sang kaswalti sa bahin sang BHB.

Nauna na nga nabuhinan ang kaaway sang mapatay ang tatlo ka suldado kag mapilasan ang duha pa sang ambuson sang BHB ang mga tropa sang 21st IB sa Mabaca sang Pebrero 4. Pagkaaga, nagmiting ang 21st IB sa Sityo Kalkatan, Mabaca kag nagpamahog nga salabton sang mga upisyal sang barangay kon "mabira" liwat ang ila tropa.

Sa ikaduha nga inaway, halos 30 metros lang ang antad sang mga Pulang hangaway sa mga nagapalapit nga tropa sang AFP apang bangud madamol ang talon, nauna nga nakapalupok ang mga Pulang hangaway kag nakuha nila ang inisyatiba sa inaway. Ang duha ka nagasunod nga suldado nagdinalagan palayo sa lugar.

Pagkaaga, gin-utod sang mga suldado ang mga ka-

hoy sa pinakaibabaw sang bukid bilang paghanda sa hugpaan sang helikopter. Mga ala-1:45 sang hapon, duha ka Huey helikopter ang nag-abot apang wala ini nakahugpa bangud gin-isnayp sang mga Pulang hangaway. Pagbalik sini may upod na ini nga helikopter

nga MG520 nga isa ka oras nga nag-istraping kag nagpamomba sa kabukiran. Tatlo na ka beses nga nagbalik ang mga helikopter para magdul-ong sang mga suplay kag kuhaon ang mga kaswalti sang AFP.

Nagkalatabo ang mga inaway sa tunga sang daku nga operasyon sa Kalinga nga nagumpisa sining una nga simana sang Pebrero. Batalyon-kadaku nga mga tropa sang kaaway ang nag-operasyon sa mga baryo sang Mabaca, Poswoy, Balbalasan kag Poblacion sa Balbalan. May ara man nga mga nag-operasyong tropa sa

pila ka baryo sang mga banwa sang Pinukpuk, Upper Tabuk, Lubuagan kag Pasil. Upod sa operasyon sang militar sa Baryo Dupag, Tabuk kag Baryo Tanglag, Lubuagan ang mga elemento sang Cordillera People's Liberation Army kag CAFGU.

AB



## Mga taktikal nga opensiba sa ibang rehiyon

**I**sa ka elemento sang militar ang napatay, 5 ang napilasan kag apat ka armas ang naagaw sa serye sang mga taktikal nga opensiba sang Bag-ong Hangaway sang Banwa (BHB) sining Pebrero.

**Pebrero 20.** Duha ka M16 kag pila ka kagamitan nga pangkomunikasyon ang naagaw sang mga Pulang hangaway halin sa reyd sa Port Barton Development Corp. sa Tandan Island, San Vicente, Palawan.

**Pebrero 14.** Duha ka elemento sang Citizens Armed Force Geographical Unit (CAFGU) ang napi-

lasan sang ambuson ang mga ini sang mga Pulang hangaway sa Barangay Banag-banag, Sibagat, Agusan del Sur. Isa ka adlaw antes ini, napatay ang isa ka elemento sang 6th Scout Ranger Company sang maengkentro sang iya yunit ang BHB sa banwa sang Buenavista, Agusan del Norte.

**Pebrero 13.** Isa ka suldado sang 58th IB ang napilasan sang palukpan sang mga Pulang hangaway ang isa ka trak sang militar sa Barangay Anibongan, Lianga, Surigao del Sur.

**Pebrero 8.** Duha ka pulis ang

napilasan sang ambuson sila sang mga gerilya sang BHB sa Barangay Badling, Uson, Masbate. Nagabyahe ang *patrol car* nga ginasakan sang mga elemento sang Philippine National Police-Special Action Force sang habuyan ang mga ini sang eksplosibo sang mga gerilya sang pumuluyo.

**Pebrero 7.** Isa ka karbin, isa ka pistola nga kalibre .45 kag duha ka granada ang ginkumpiska sang mga Pulang hangaway sa isa ka retirado nga sarhento sang Philippine Army sa Sityo Baliw, Barangay Payapag, Bacuag, Surigao del Norte.

AB

# Sugilanon pangkalinungan sa rehimeng Arroyo, sarado na

**P**adayon na nga ginsarhan pa-reho sang National Democratic Front of the Philippines (NDFP) kag Moro Islamic Liberation Front (MILF) ang pagpakignegosasyon pangkalinungan sa rehimeng Arroyo. Ginsiling sang NDFP kag MILF nga wala na sang paglaum nga makahimo pa sang anuman nga kasugtanan sa pila ka bulan na

lang nga nabilin sa termino sang rehimeng US-Arroyo. Siling nila, mas gusto pa nila nga hulaton na lang ang rehimeng magabulos sa subong nga gubyerno.

Luwas diri, ginsiling sang NDFP nga san-o man indi nangin sinsero ang nagaharing rehimen sa pagpakignegosasyon sini.

Ginlapas sang GRP ang halos

tanan nga kasugtanan nga na-isahan sa tunga sini kag sang NDFP. Pinakaulihi diri ang paglapas sang rehimeng Arroyo sa kasugtanan nga hilwayon ang 14 ka nakadetine nga konsultant sang NDFP para makapartisipar ang mga ini sa nakatalana tani nga negosasyon sang Agosto 2009. Ang pag-aresto, pagdetine kag pagpasaka sang mga himu-himo nga kaso batuk sa ila paglapas sa JASIG nga nagahatag proteksyon kag nagadumili sa pag-aresto sa mga konsultant kag istap nga imbolbado sa sugilanon pangkalinungan. Pero duha ka konsulant lang ang ginhilway kag may kundi-syon pa ang paghilway sa isa. Sang ulihi gindeklarar sang rehimen nga wala sang matigayon nga negosasyon asta indi magsugot ang NDFP nga unahon ang pagtalakay sa pagdis-arma, pagbungkag kag reintegrasyon sang Bag-ong Hangaway sang Banwa antes pa man talakayon ang mga repormang pangkatinglaban, pang-ekonomya kag pangpulitika. Liw-as ini sa nakasugtan sa The Hague Joint Declaration sang 1992.

Sining ulihi, nang-intriga pa ang rehimeng Arroyo sa pagdihon sang estorya si Defense Sec. Norberto Gonzales bahin sa pagkatunguno kuno sang rebolusyunaryong hublag sa tunga sang mga nagapabor sa negosasyong pangkalinungan kag elektoral nga paghimakas kag yadtong nagapabor sa armadong paghimakas.

Ginhimo man nga rason nanday Gonzales kag Annabelle Abaya sang Office of the Presidential Adviser on the Peace Process ang intriga nga ini para itulod liwat ang pakikipagsugilanon sa mga lokal nga kumand sang Bag-ong Hangaway sang Banwa kag pagtanyag sang “amnestiya kag rehabilitasyon.”

Mas malaut pa ang intriga bahin sa pagpakasyon kuno sa sulod sang rebolusyunaryong hublag ang patimaan sang pagsagsag sang

## Mga kadalag-an sang Nolcom, ginpanginwala

**M**akakilobot nga mga estorya sang kadalag-an ang ginpaguwa sang Northern Luzon Command (NOLCOM) para tabunan ang mga kapaslawan militar sini kag sang 5th Infantry Division sang Philippine Army. Ini ang sabat ni Ka Diego Wadagan, tagapamababa sang Agustin Begnalín Command sang Bag-ong Hangway sang Banwa (BHB-Abra) sang Pebrero 9 sa ginapabugal nga mga kadalag-an sang NOLCOM kag 5th ID batuk sa rebolusyonaryong kahublagan sa Ilocos-Cordillera Region.

Ginpahambog sang ikaduhang simana sang Pebrero nanday Col. Essel Soriano, kumander sang 503rd Brigade kag Lt. Col. Rogelio Migote, kumander sang 50th IB, nga naagaw kuno sang ila mga suldado ang isa ka daku nga kampo sang BHB sa Tubo, Abra. Nakatukib man kuno ang mga suldado sang 41st IB sang istakan sang mga armas sang BHB sa Barangay Buneg sa Lacub.

Ginkadlawan lang ini sang BHB bangud ang ginasiling nga kampo madugay na nga abandonado. Siling ni Wadagan, wala gid man sang mga permamenteng kampo ang BHB. Indi man matuod nga nakatukib ang mga tropa sang 41st IB sang nakaistak nga mga armas bangud wala sang sobra nga mga pusil ang BHB sa kadamo sang mga narekrut sini.

Ang matuod nagahimu-himo lang sang mga estorya ang mga opisyal sang militar para takpan ang ila kaswalti sa inaway, siling ni Wadagan. Halos isa ka dibisyong tropa ang ginbuhos sang NOLCOM gamit ang mga eroplano kag helikopter sang Philippine Air Force sa isa ka malaparan nga operasyon militar para lagson ang BHB sang Enero 27 asta Pebrero 4. Sa pihak sang pwersa nga ini, naglabot sa 29 suldado ang napatay kag 35 ang napilasan sa mga engkwentro sa banwa pa lang sa Malicbong, Abra. Luwas pa ini sa mga kagamitan militar nga nakumpiska kag naguba sa mga kontra-atake sang mga yunit sang BHB sa lain-lain nga lugar sang Cordillera. **AB**

mga ekstrahudisyal nga pagpamatay kag iban nga paglapas sa tawhanong kinamatarung. Ang mga biktima ginalaragway man bilang kaswalti kuno sang purgahan.

Siling ni Fidel Agcaoili, tagapangulo sang NDFP Human Rights Committee, indi interesado ang rehimeng Arroyo sa negosasyon pangkalinungan nga may tuyo nga solbaron ang mga ugat sang armadong banggianay kag magtuga sang repormang pangkatilingban, pang-ekonomya kag pangpulitika sa pungsod.

Sa bahin man sang MILF, pila ka beses na sila nga ginpangakuan sang rehimeng Arroyo nga ihatag ang ila ginademanda para sa matuod nga awtonomya. Pero permi na lang sila ginatanyagan sang “ginpauswag nga awtonomya” sa makitid nga balayon sang Autonomous Region in Muslim Mindanao. Sining Pebrero pangatlong beses na nga nagbalay sang borador bahin sa ginpauswag nga awtonomya ang *peace panel* sang rehimeng Arroyo nga nakipagsugilanon sa MILF.

Bangud maathag nga wala sila sang malab-ot, nagbalibad na ang MILF nga mag-atubang sa negosasyon. Siling sang MILF, kon hungod nga wala sang pagsugataay nga pwede matabo subong, hulation na lamang nila ang masunod nga rehimen nga pwedeng masugilanon sang mas seryoso. **AB**

## Sukot sang Meralco, nagsobra sang P7 bilyon

SOBRA sang P7.01 bilyon ang ginsukot sang Manila Electric Co. (Meralco) sa mga kliyente sini, suno sa Commission on Audit (COA). Suno sa COA, nagsobra P1.68 bilyon ang sukot sang Meralco sang 2004 kag P5.33 bilyon sang 2007.

Siling sang COA, natabo ini bangud ginlakip sang Meralco sa mga gasto sa operasyon nga ginpasa sini sa mga konsyumer nila ang gingasto sang kumpanya para sa pila ka propyedad kag makinarya nga wala magamit sa pagtuga o distribusyon sang kuryente.

Lakip sa mga gingastuhan sang Meralco nga wala gintugtan sang COA nga bawion sang kumpanya halin sa mga konsyumer ang konstruksyon sang isa ka sapa kag paradahan sang salakyan nga isa pa ka kilometro ang layo halin sa upisina sang Meralco, mga pensyon sang mga empleyado kag dalagku nga sweldo kag benepisyo sang mga upisyal sini.

Indi ini ang unang tion nga nagpanukot sang sobra ang Meralco. Sang 2003, ginmanduan ini sang Korte Suprema nga ibalik sa mga konsyumer sini ang P30 bilyong sobra sa mga ginsukot sini bangud gin-upod sang kumpanya sa mga gasto kuno sa operasyon ang buhis nga ginabayaran sini.

Ang awdit sang Meralco ginmandu sang Korte Suprema pagkatapos magpetisyon ang Meralco sang 2004 nga magpataas sang sukot sa kuryente.

Nahimo sang Meralco ang mga pagpang-abuso nga ini bangud sa idalom sang Electric Power Industry Reform Act (EPIRA), napabakod ang pribado nga monopolyong kontrol sini kag ginatugutan ini nga maghugakum sang daku ganansya.

Ang EPIRA resulta sang pagsakdag sang rehimeng Arroyo sa mga polisiya sang liberalisasyon, deregulasyon kag pribatisasyon.

Samtang, nakatalana nga magtaas liwat ang sukot sa kuryente sa Marso. Ginakundisyon na sang Meralco ang isip sang publiko sa pagtaas pa sang mga balayran sa kuryente tuga kuno sang nagaluntad nga tig-ilinit. Bangud sa kakulangan sang ulan, naganubo na kuno ang lebel sang tubig sa mga dam kag nagabuhin ang bolyum sang tubig nga nagapaandar sa mga *hydroelectric* nga planta sang kuryente.

Masami na subong ang mga *brown-out* labi na sa Luzon kag Mindanao. Nagapauna na ang Meralco nga kon gusto sang mga konsyumer nga likawan ang *brown-out* dapat batunon nila ang pagtaas sang sukot sa kuryente. **AB**

## Mga residente sang Laguna de Bay, naglunsar sang karaban

NAGLUNSAR sang kaugalingon nga karaban ang mga mangingisda, mangunguma kag mga biktima sang bagyong Ondoy nga mga nagapuyo malapit sa Laguna de Bay sang Pebrero 9 para hatagan suportang mga progresibong kandidato kag partido nga magadala sang ila interes sa sulod kag guwa sang Kongreso.

Ginpamunuan ang karaban sang Pambansang Lakas ng Kilusang Mamalakaya ng Pilipinas (PAMALAKAYA), Katipunan ng Samahang Magbubukid ng Timog Katagalugan (Kasama-TK) kag sang multisektoral nga Save Laguna Lake Movement. Nag-umpisa ang karaban sa banwa sang Jalajala kag nagtapos sa Lupang Arenda sa banwa sang

Taytay, Rizal.

Nag-upod sa paghulag nga ini ang 10 pangpublikong dyip nga nagadala sang pangkampanyang istrimer sang mga progresibong kandidatong nagapadalagan nga senador nga sanday Satur Ocampo, Liza Maza, mga partidong Bayan Muna, Anakpawis, Gabriela Women's Party kag Kabataan Partylist. **AB**

**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Tuig XLI No. 4  
Pebrero 21, 2010  
[www.philippinerevolution.net](http://www.philippinerevolution.net)

Editoryal

## Mga rebolusyonaryong katungdanan sa panahon sang eleksyon


**A**ng mga eleksyon sa idalom sang garuk nga nagahari nga reaksyunaryong estado kag sistema wala pulos kag permi nga puno sang anomalya kag kalakasan. Ang mga ini konsentrado nga paindisanay sang kusog, kwarta kag mga maniobra sang magkaribal nga elitistang paksyon sa papet nga reaksyunaryong pagginahum. Kalakasan, pagpanuhol kag pagdinaya ang pinakayabi sa likod sang kadalag-an.

Indi ini matuod nga demokratikong proseso kag wala nagasalaming sa tunay nga interes sang pumu-

luyo. Daw daku ini nga karnabal nga panglingaw sa pumuluyo. Ginahingalitan sini ang ila kapigaduhan kag ginaganyat sila sang kwarta kag iban nga material nga bagay para makuha ang ila boto. Ang pagboto nila ginagamit nga dekorasyon para ipakita nga demokratiko ang proseso. Samtang ginapalam pa ang pumuluyo sa mga reaksyunaryong eleksyon, daku nga mayorya sa gihapon ang napapartisipar diri.

Bisan pa man, sa limitadong lebel nga masarangan sa idalom sang reaksyunaryong estado kag sistema, mahimo kag malahalon gihapon nga mahingalitan ang mga reaksyunaryong eleksyon agud makakuha sang mga kongkretong benepisyo sa interes sang pumuluyo kag sang rebolusyonaryong hublag. Katungdanan sang mga rebolusyonaryong pwersa nga maid-id nga ubayan ang pumuluyo sa paghulag sa mga reaksyunaryong eleksyon.

Ginapraktika sang rebolusyonaryong hublag ang duha ka taktika sa mga panahon sang reaksyunaryong eleksyon. Basehan nga katungdanan sini nga ibuyagyag ang pagpaltik sang reaksyunaryong eleksyon kag ang kagarukan sang ginapasudlan nga sistema. Ginahatagan-tum-ok ang armadong paghimakas bilang pat-ud kag mayor nga pamaagi sang pag-agaw sang gahum pangpulitika agud magum ang pundamental kag lubos nga



**Mga tampok sa isyu nga ini...**

**Duha ka kaso sg pag-pang-agaw sg duta**

PAHINA 5

**Malapad nga suporta sa Morong 43**

PAHINA 7

**Sugilanon pangkalinungan sa rehimen, sarado na**

PAHINA 11

## Mga instruksyon sa paglilimbag

**1.** Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

**2.** Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

**3.** Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa [angbayan@yahoo.com](mailto:angbayan@yahoo.com)